

Իմ կյանքը՝ միշտ կենտրոնում

Հայ տղայի վճռական նվիրումի ուղին

Henrikh Mkhitaryan
Con Alessandro Alciato

La mia vita sempre al centro

Il viaggio di un ragazzo armeno
tra determinazione e sacrificio

Հենրիխ Մխիթարյան
Ալեսանդրո Ալչատոյի հետ գործակցությամբ

Իմ կյանքը՝ միշտ կենդանուում

Հայ տղայի վճռական նվիրումի ուղին

Թարգմանությունն իտալերենից՝
Լուսինե Շուքուրյանի
Անի Հակոբյանի



ԵՐԵՎԱՆ
2026

ՀՏԴ 796.332
ԳՄԴ 75.578
Մ 793

Մխիթարյան Հենրիխ, Ալջատո Ալեանդրո
Մ 793 Իմ կյանքը՝ միշտ կենտրոնում: Հայ տղայի վճռական նվիրումի ուղին /
Հ. Մխիթարյան, Ա. Ալջատո- եր.: Newmag, 2026.- 280 էջ:

Հենրիխ Մխիթարյանը ֆուտբոլային ընտանիքից է, տաղանդն ու մասնագիտական ուղին կարծես ժառանգություն է ստացել: Ծնվել է Հայաստանում, մեծացել Ֆրանսիայում, քանի որ հայրը խաղում էր Լիգա 2-ում: Համլետ Մխիթարյանը եղել է հայկական ֆուտբոլի պատմության ամենաուժեղ հարձակողներից: Մահացել է ուղեղի քաղցկեղից, 33 տարեկանում, երբ Հենրիխն ընդամենը 7 տարեկան էր:

Երիտասարդ Հենրիխն արժանապատվորեն շարունակեց հոր ֆուտբոլային ուղին: Թեպետ նրա մահից հետո որոշ ժամանակ չէր կարողանում մտ գնալ գնդակին, սակայն ինքն իրեն խոստացավ հասնել այնտեղ, ուր հայրը չհասցրեց:

Ընդամենը 14 տարեկան էր, երբ մեկնեց Բրազիլիա՝ «Սան Պաուլո» ակումբում մարզվելու: Այնտեղ զարգացրեց խաղային տեխնիկան, յուրացրեց ֆուտբոլի նոր՝ ստեղծագործական ոճը, սովորեց նոր լեզու՝ պորտուգալերեն: Կարիերայի ընթացքում կրել է «Փյունիկի», «Մետալուրգի», «Շախտյորի», Դորտմունդի «Բորուսիայի», «Մանչեսթեր Յունայթեդի» և «Արսենալի» մարզաշապիկները: 2019-ին տեղափոխվել է Իտալիա. երեք տարի խաղացել է «Ռոմա» ակումբում, 2022-ի հուլիսի 2-ին պաշտոնապես միացել է Սիմոնե Ինձագիի գլխավորած «Ինտերին» և անմիջապես դարձել «Ներաձողիների» հենասյուններից:

Գիրքը հուզիչ պատմություն է որդիական կարոտի և հոր՝ Համլետ Մխիթարյանի մասին, որի վաղաժամ կորուստը խորին հետք է թողել նրա կյանքում և շարժիչ ուժ դարձել: Սա նպատակապացության, ինքն իրեն հավատարիմ մնալու և փոփոխություն բերելու պատրաստակամության պատմություն է. ճանապարհ, որը կոգեզնչի յուրաքանչյուրին, որ հավատում է տքնության, նվիրումի և երազանքի ուժին:

ՀՏԴ 796.332
ԳՄԴ 75.578

ISBN 978-9939-482-13-2

© Cairo, 2025 Հենրիխ Մխիթարյան, Ալեանդրո Ալջատո, «Իմ կյանքը՝ միշտ կենտրոնում» © 2026, «Նյու Մեգ» ՍՊԸ

Այս գրքի հայերեն թարգմանության և հրատարակության հեղինակային բոլոր իրավունքները պատկանում են «Նյու Մեգ» ՍՊԸ-ին: Իրավունքները ձեռք են բերվել հեղինակի հետ կնքած պայմանագրով:

Բովանդակություն

1. Լինել լավ մարդ	11
2. Գալիս եմ, պանայ	17
3. Երագում էի Վենգերի մասին	24
4. Անջուր, անլույս տարիներ (բայց գնդակը՝ միշտ ոտքերիս մոտ)	32
5. Բրազիլիայում՝ Մարգարեի հետ	39
6. Կիսապաշտպան լինել չէի ուզում	48
7. Չմարսված նախաճաշ Մոսկովյուրի հետ	56
8. Ամիսը՝ քսան դոլար	69
9. Ոչ մի շեղում	77
10. Մարգարազայի «Նախագահը»	84
11. Մնաս բարով, իմ լավ բարեկամ Մինտ	92
12. Դորտմունդի «Բորուսիայում» (թռչող աթոռ, հետո՝ ստորագրություն)	103
13. Արարատին նայող պատուհան (որովհետև Ցեղասպանությունը չի մոռացվում)	112
14. Մեկ այլ սարսափելի կորուստ	122
15. Եվրոպական հաղթանակ՝ առանց ձեռքսեղմումի	131
16. Հոգեբանական խաղերի շրջանը	143
17. Վենգեր, այո՛, շնորհակալ եմ: Բաքու, ո՛չ, շնորհակալ եմ	151
18. Daje, Միկի	159
19. Հռոմի զավակ Համլետը	166

20. Մոուրինյուրի վերադարձը, Աուգիլիոյի հեռախոսազանգն ու հարթանակը Տիրանայում	176
21. Լոտիտոյի հետ հանդիպումն ու Դևի օրենքը	185
22. Դեպի Ստամբուլ. Ապիանո Ջենտիլիի հանդերձարանի պարզաբանումները	193
23. Երկրորդ երեխաս, երկրորդ աստղս	205
24. Մութ ու անբացատրելի մի գիշեր	216
25. Հայաստանի համար, Հայաստանի հետ	229
Երախտագիտության խոսք	240
Վեղինակների մասին	244
Լուսանկարների հղումներ	247

Այս գիրքը նվիրում եմ երազող տղաներին և աղջիկներին:
Ինչով էլ զբաղվեք, թույլ չտվեք, որ դժվարությունները
թևաթափ անեն ձեզ:

Ընդունեք մարտահրավերները և անխոնջ աշխատեք՝ ձեր
նպատակին հասնելու համար: Ապագան նրանցն է, ովքեր
հավատում են իրենց ուժերին և հոգի են դնում գործի մեջ:

Ձեր ապագայի համար ջանքեր մի՛ խնայեք:

Ամենափոքր փորձությունն էլ կարևոր է:

Պեպք է հաղթեք ձեզ պարտադրված մենամարտերում:

Այդժամ կրեսնեք, որ կհաղթեք նաև ամբողջ խաղում:

Հենրիխ

Իմ Նիկոլոյին և Ալեգրային

Ալեսանդրո

1

Լինել լավ մարդ

Լավ էր պարում:

Բոլորն ասում էին, որ ընտիր պարող է: Պարում էր ներշնչանքով, ոչ թե մեխանիկորեն: Խաղի երաժշտության մասնիկն էր դառնում՝ հայկական ելևէջների ու մեղմ շարժումների ներդաշնակություն: Մեղեդի: Ժպիտ: Ներքին վարպետություն: Քայլ առ քայլ: Խաղադաշտից խաղադաշտ: Միցաշար մրցաշարի հետևից:

Համլետ էր անունը, ինչպես Ուիլյամ Շեքսպիրի հայտնի ողբերգության հերոսին էին կոչում: Հայաստանում տարածված անուն է:

Հայրիկս էր: Մահացավ երեսուներեք տարեկանում, երբ ես ընդամենը յոթ տարեկան էի: Շատ երիտասարդ էր, ես՝ նույնպես:

Լինել թե՛ չլինել, սա երբեք հարց չի եղել: Նա եղել է: Վերջակես:

եղել է սեր:

եղել է օրինակ:

եղել է ճիշտ ուղի:

եղել է ամենաշլացուցիչ լույսն ամենամութ խավարում:

եղել է պատուհանից բացվող ոգեզմայլ մի պատկեր:

եղել է իմ կյանքի ամենախորը հույզը:

եղել է հավերժությունը պակաս ցավագին դարձնող զգացում:

Հենց ինքն է մշտնջենավոր եղել:

Պատումների բարի, բոլորից բարի հերոսն է եղել:

Ամենանուրբ թաշկինակն է եղել, որը կարող է չորացնել արցունքի ամեն կաթիլ, նույնիսկ այն հազարավոր արցունքների, որոնք ուշացումով հոսեցին, երբ նա մեզ հետ չէր:

Սովետական մարդ է եղել:

Հայ է եղել:

Աշխարհի քաղաքացի է եղել:

Իմ աշխարհն է եղել:

Կարճ է ապրել, թեև ինձ համար՝ հավիտենապես:

եղել է վաղորդյան զարթոնք, երբ անկախ ամեն ինչից լավ են զգում:

Այն կարևոր մարդն է եղել, որը մի շատ կարևոր բան է ասել ինձ. *«Հենրիխ, ամենից առաջ պեպք է փորձես լավ մարդ լինել: Չմոռանան»:*

«Ծափ լավ, պանպ»:

Փորձում եմ ամեն օր պահել խոստումս:

Հորս մասին իմ առաջին հուշը կապված է այս մտքի հետ: Անկեղծ ասած, այլ հուշեր գրեթե չունեմ: Այս բառերը հզոր են, անգին են, թեև քիչ են: 1996-ին, յոթ տարեկանում, նայում ես շուրջդ, բացահայտում քեզ շրջապատող ամեն ինչ, բայց չես կարող շատ պատկերներ մտապահել: Ապրում ես, վայելում, խաղում այդ հուշերով, սակայն անգիտակցաբար թույլ ես տալիս, որ դրանք փախչեն: Փախչում են, բայց ամբողջովին

չեն անհետանում, և ես այսօր վայելում եմ այդ հետքերը, հուշակտորները, բեկորներն այդ պատկերների: Երեխան չի հասկանա, մեծահասակը պարտավոր է: Օր չկա, որ չմտածեմ նրա մասին: Մշուշապատ, անսպասելի փայլատակումները հստակ չեն, թեև տեսանելի ու ճանաչելի ուրվագծեր ունեն: Մեծագույն ինամքով պահպանելու գանձ, առողջ խանդով պաշտպանելու ժառանգություն:

Պարում էր հաճույքով, ֆուտբոլ էր խաղում գործի բերումով, բայց ամենից առաջ՝ որպես կիրք: Մեծ հարձակվող էր, նրա մասին միշտ այդպես են պատմել ինձ:

— Ա՛խ, Համլետն ինչպե՞ս էր պարում:

— Ա՛խ, Համլետն ինչպե՞ս էր խաղում:

Կարիերան սկսել է Երևանի «Արարատում», որի կազմում 1984 թվականին գրավեց երկրորդ տեղը ԽՍՀՄ առաջնության ռմբարկուների ցուցակում: Կարճ ժամանակ խաղացել է նաև Արովյանի «Կոտայք» ակումբում, այնուհետև տեղափոխվել ֆրանսիական «Վալանս» ակումբ, որը հայ համայնքի թիմն էր: Մենք էլ գնացինք նրա հետ: 1989 թվականն էր, ես յոթ ամսական էի: Եվ այդ նոր քաղաքի փողոցներից մեկում է հայրս ասել այդ հիշարժան խոսքը: Կյանքիս ամենակարևոր խոսքը: Ես հենված էի մեքենայի հետևի նստարանին, նա ղեկի մոտ էր: Ուշադիր նայում էր ճանապարհին և պատկերացնում այն ուղին, որը պիտի անցնեի: Անձրևում էր, բայց, չնայած վատ տեսանելիությանը, ամեն բան տեսնում էր պարզ ու հստակ:

— *Լավ մարդ, Հենրիի:*

Գիտեմ: Ամեն բան ճիշտ է: Ես պարտական եմ նրան, պարտական եմ նաև ինքս ինձ: Ընտանիքիս ու զավակներիս: Սա

զոհողություն չէ, այլ նվեր, որ պարգևեց ինձ: Իր վերջին նվերներից մեկը: Շուտով հիվանդացավ, 1994-1995 մրցաշրջանն էր: «Վալանսից» տեղափոխվել էր Իսի լե Մուլինոյի «Արաբատ»՝ մայրաքաղաքին մոտ:

— Ուզում եմ Փարիզում ապրել:

Երջանիկ էր:

Մի օր վատ զգաց: Կարծեց, թե ուժեղ գլխացավ է, պարզվեց՝ գլխուղեղի ուռուցք է: Ախտորոշումը գույժի պես էր: Ես տեղյակ չէի. մայրս՝ Մարինան, և քույրս՝ Մոնիկան, որն ինձնից մեծ էր երեք տարի, ինձ չէին ասել: Նրանք կրել էին վշտի իմ բաժինը՝ թողնելով, որ երեխա մնամ: Մոնիկան նույնպես երեխա էր, պարզապես մի փոքր մեծ էր ինձսից: Նա նույնպես լիովին չէր գիտակցում վիճակի լրջությունը:

— Ման, Մոնիկա, պապան որտե՞ր է:

Պատասխանները չեմ հիշում, հարցս հիշում եմ: Չէին կարող ինձ ասել, որ հորս հոսպիտալացրել են և մեկ տարվա մեջ երրորդ անգամ են վիրահատում: Որ հուսահատորեն փորձում էին բուժել անբուժելին, փրկել նրան: Իրականում ինձ տանում էին նրան տեսնելու, սակայն իրականությունը տեսնելու համար պետք էին բոլոր մասնիկները, որ խճանկարն ամբողջանար: Այդ մասնիկները չկային: Շատ չէի հասկանում, թե ինչ է կատարվում: Տեսնում էի, որ գլուխը կապած է, ամեն անգամ ողջագուրվում էի նրա հետ ու գալիս տուն: Գուցե հետո այդ մասին չէի էլ մտածում, մինչև հաջորդ հանդիպումը: Բժիշկներն անում էին, ինչ կարող էին. խնամում էին նրան, փորձում բուժել: Հետո մի օր մայրս որոշեց:

— Երեխե՞ք, վերադառնում ենք Հայաստան:

Նա գիտեր, որ ապրելու քիչ ժամանակ է մնացել հորս: Նրան հնարավորություն տվեց իր վերջին պահերն անցկացնել տանը՝ Երևանում, մայրաքաղաքում՝ իրեն սիրող մարդկանցով ու առաջին հերթին՝ մորս սիրով շրջապատված: Սիրո դրսևորում էր, մաքուր, իսկական, անհուն, անշահախնդիր սիրո:

Քաղաքի կենտրոնում գտնվող մեր բնակարանը մեծ չէր: Խորհրդային Միությունն էր հորս նվիրել իր սպորտային վաստակի համար: Այն ժամանակ, մինչև Հայաստանի անկախացումը, այդպես էր: Բնակարան մտնելուն պես երևում էին նրա կարիերայի ընթացքում վաստակած գավաթներն ու մեդալները, որոնք պատի վրա էին: Յուրաքանչյուր մրցանակ հատուկ տեղ ուներ: Գնդակը նույնպես այնտեղ էր: Այդ բնակարանը մենք այդպես էլ չվաճառեցինք, ոչ էլ որևէ մասունք տեղաշարժեցինք: Հարգանքի տուրք մատուցելու և հիշատակը վառ պահելու ձև է: Նա շատ կապված էր այդ տան հետ, մենք՝ նույնպես: Այդ շրջանում ես ու Մոնիկան մորս մոր տանն էինք ապրում, որպեսզի հորս վերջին օրերի տառապանքները չտեսնենք, բայց երբեմն գնում էինք նրա մոտ: Այսօր էլ, երբ վերադառնում եմ Երևան, գնում եմ իմ սրտի այդ հանգըրվանը, իմ ամենասիրած վայրը: Ես այնտեղ լավ եմ զգում, հորս ներկայությունն եմ զգում, ահա ինչու եմ հաճախ գնում:

Քույրս ինձնից մի քիչ ավելի լավ էր հասկանում իրավիճակը: Մտքովս էլ չէր անցնում, որ այդ սարսափելի պահը մոտ է, միաժամանակ քաջ գիտակցում էի, որ հայրս լավ չէ: Տեսնում էի, որ միշտ անկողնում է, միշտ պառկած: Ու հարց էր ծագում ինչո՞ւ: Պինդ գրկում էի նրան, խոսում հետը, հարցեր տալիս, որոնց չէր պատասխանում:

— Մոնիկա, ինչո՞ւ պապան չի խոսում: